

INUIT ATAQATIGIIT

Inatsisartuni



Aasiaat 10. januar 2018

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara:

Naalakkersuisunut apeqqut:

1. Nunatta timmisartunik qulaanneqartarnera akeqarpa – akitsuuteqarpa?
 - a. Aappiuppat taava aningaasat isertut ukiumut qanoq amerlatigippat aamma sumut pisarpat?
 - b. Naamiuppat sooq timmisartunik qulaavaaneq akitsuuteqanngila?
2. Nunatta timmisartunik qulaanneqartarneranut akiliisitsisoqartalernissaanut aaliangiisussat kikuuppat aamma akisussaaffik sumiippa?
3. Nunarput timmisartunik qulaanneqartarnera nunatta isertitsissutigisalernissaanut suna aporfua?
 - a. Aporfiusinnaasunik qulaajaaniarlutik - piaaniarlutilluunniit Naalakkersuisut qanoq suliniuteqarpat pilersaaruteqarpalluunniit?
 - b. Nunarput timmisartunik qulaanneqartarnera nunatta karsiata isertitsissutigisalernissaanik Naalakkersuisut suliniuteqarpat? Aappiuppat taava qanoq?
4. Nunani allani timmisartunik qulaavaassisarneq pillugu isumaqatigiissuteqartoqartarpa? Assersuutigalugu EU aamma Ruslandip akornanni qanormita isumaqatigiissuteqartoqarsimava?

(Inatsisartuni ilaasortaq Peter Olsen, Inuit Ataqatigiit)

Tunngavilersuut:

Ukiuni kingullerni attaveqaatitigut atortorissaarutit ima pitsaatigilersimapput allaat angerlarsimaffitsinniit malinnaaffigisinnaalersimallutigit, takusinnaallutigillu timmisartut nunatsinnik qulaavaasut qanoq amerlatiginersut. Nunarsuaq tamakkerlugu takusinnaalersimavagut timmisartut sukkut sumullu ingerlanersut.

Inuit attaveqaqatigiittarfianni (socialemedier) malinnaalaaaraanni aamma takuneqarsinnaavoq timmisartunik qulaavaasarneq pillugu oqallittoqartoq.

Nunatta timmisartorpassuarnik qulaanneqartarnera inuppassuarnik ilisimaarineqalernerata kingunerisaasa ilagaat oqartoqartalerat aperisoqartalerlunilu; Nunat allat timmisartunik qulaanneqartarnertik aningaasarsiuugaat uagummita aningaasarsiuutigisarneparput? Aningaasat isertitsissutigineqartartut sumut pisarpat? Qallunaat nunaata karsianut nakkartarpat? Sooruna uagut aningaasarsiuutigingikkippat? Aningaasarsiuutigisinnaangilarput?

Taamaattumik suna eqqortuunersoq eqqortuunnginnersorluunniit paaserusullugu matumuuna taamatut tunngavilersuuteqarlunga apeqquteqaatikka taama isikkulerlugit nassiuppakka.

Qinnutigissavara apeqquteqaatima ullut suliffiusut qulit iluanni akineqarumaartut.